

ἤωε ayi Pól ásamé mbaá echomele bós Kras né
Εφεσος

Matame

¹ Me Pól ne nsámé ηωε yina. Me nlú ηgbá Kras Jisós ndere Εσωω akelé nnó mbe.

Ntome ηωε yina eta nyú bós Kras né melo Εφεσος, enyú abi délií mmye ne déchome mmye ne Jisós Kras.

² Nnenemmye nnó nte sé Εσωω ne Ata Jisós Kras álérégé enyú galógáló, ne apye enyú débé né neso.

Εσωω alerege esé uló melu gétúgé déchome mmye ne Kras

³ Déféé Εσωω. Ji alu Εσωω ne Nte Ata sé Jisós Kras muú gétúgé déchome mmye ne Kras, ji ajéle esé ne yéndé gefógé méjé wuú ewé elú né malu ujwolé Εσωω ayi mfaánebuú. ⁴ Gemege nnó Εσωω akwyéé mme yina, ji abo me mbe ajya esé nnó débé bós bíí, gébégé déchome mmye ne Kras. Ji apyembo nnó esé débé bós ukpea abi muú álá kágé shulé ebwó ndo né mbe ushu wuú.

Né gétúgé gejeé jíí eyigé na, ⁵ ji abós me mbe ashuú nnó ji apye nye nnó esé débé baá bíí ndere ákene né genó eyigé Jisós Kras apyéé nye. Ge genó eyige gebó gelú ji metós mampye mbó. Ne geji ne ji akelege mampye. ⁶ Getú eyigémbo ne débós mamfege ji né gekpekpege galógáló wuú ayi ji alerege esé detú, ndere déchome mmye ne Maá wuú ayi ji abós gejeé ne ji dós. ⁷ Εσωω ake ne manoó Maá wuú ami machyéé mme gébégé ji agboó, awené gemege esé, mmye eké Εσωω ajinte gabo se, gétúgé gekpekpege galógáló wuú ⁸ ayi ji alerege esé gejamé gejamé. Εσωω né dennga etií deko ne defós etií, ⁹ apye esé dékaá genó eyigé gebó gelú bíbí, eyigé ji akelege mampye. Apye ntó

esé dékaá genó eyigé gebo gelú ji metwó mampye ndere ji ashuú me te gachií ábelé nnó Kras apye, ¹⁰ ndere ji ashuú nnó gébé eyigémbw gekwonege ji ányweré unó uko choncho, ebi ji akwye, ebi úlú né mfaánebuú ne ebi úlú fa mme nnó Kras abe mfwa bwó.

¹¹ Yéndé genó gekene wye ndere Esoww abo ashuú me nnó ebe. Ji ajya esé nnó débe bwó bíí ndere déchome mmye ne Kras gétúgé genó eyigé gebo gelu ji metwó mampye ndere ji aké ebe te gachií. ¹² Ji ajyaá ntó esé abi débó mbe déneré metwó ne Kras nnó débe déféége ji gétúgé ηγω wuú.

¹³ Ne enyú déwú ntó mekomejwó ayi alu wáwálé. Mekomejwó yimbo elé abya melóméló ayi Esoww aferege nye enyú né efwyale gabo. Gébégé enyú défyéé metwó ne Kras ne Esoww achyéé enyú Mendoó Ukpea, ndere gelo eyigé gélerege nnó enyú delu bwó bíí wye ndere ji anyé me meno nnó achyege. ¹⁴ Mendoó Ukpea elú ndere genó eyigé Esoww áchoó utó nnó ji apye nye eta esé yéndégenó eyige ji anyémeno nnó ápye mbaá bwó bíí. Ji awené gemége sé nnó esé débe bwó bíí nnó défege ji gétúgé ηγω wuú.

Pol anenemmye mbaá Esoww gétúgé echomelé bwó Kras né Εφεσος

¹⁵ Te gébé eyigé me nwuú nnó enyú défyéé metwó ne Ata Jisws, ne nnó débó gejeé ne ate bwó Esoww, ¹⁶ me nlú danlyáá mantamege Esoww gétúgé nyú. Nteé enyú né mmyemenene. ¹⁷ Me ngigé nnó Esoww Ata sé Jisws Kras, Nte ayi apwó amu, achyéé enyu Mendoó wuú nnó epye enyú débe ne denğa ne nnó eti enyú ame ndere dékágé ji. ¹⁸ Nnene ntó mmye nnó Esoww apye genğbo jíí gegené né mmu matwó nyú, nnó dékaá genó eyigé ji akuú enyú nnó déneré metwó wye. Ne mma nnenemmye nnó enyú dékaá gekpekpege mejé ewé Esoww awyaá né mfaánebuú ewé ji anyémeno nnó achyege bwó bíí. ¹⁹ Nnene ntó mmye nnó ji apye enyú dékaá gekpekpege uto bíí ebi upógé esé

abi défyéé metóó ne ji. Uto bina ebi upógé esé, elé wye gekpekpegé uto bi, ²⁰ ne Esòwò asele apye Kras akwilé né negbo ne apye ji ajwolé né egbe ebwònye wuú né malu ujwòle Esòwò né mfaánebuú. ²¹ Kras awyaá uto ewuú ebi upwóó yéndé gefwa eyi gelu fa mme, yé né mfaá. Ebi upwóó ntó uto ákwaá, yé ebe lé ebi aló nchye. Ne ye muú ama ayi awyaá gefogé gefwa eyigé na apó, yé né mme yina ne ayi achwóó. ²² Ne Esòwò afye yéndégenó né amu ji ne apye nnó ji abe muú kraá mbaá unó uko né echomele bóó Kras. ²³ Echomele bóó Kras elú menyammye wuú. Ewú egbeé ne uto Kras ne Ji apye yéndégenó né yéndé mbaá gebe ndere gebóó mambe.

2

Esòwò achyeé esé gerwá ndere déchome mmye ne Kras
¹ Mbembe enyú débò dégbo né deporé Esòwò gétúgé déla débelege mabe Esòwò ne debó dépye nto gabo. ² Né gébé eyigémbò enyú débò dépye lé ubobo unó bi bóó mme ápye. Dékwòlege lé unó bi mfwa áló nchye abi mfaá akelege nnó enyú dépyege. Ji yimbò ne anyuú matóó bóó abi álá kelege manwú ne Esòwò. ³ Wyembò ntó ne esé ako debò delu, dépye nya lé ubobo unó bi menyammye akelege. Dépye lé unó bi menyammye ne matóó sé akelege. Ábyé esé ako ne gepò gebogebo. Getú eyigémbò, Esòwò abò alu manlere esé metóó usóó wuú ndere ji alerege nye yéndémuú.

⁴ Yémbò meshwe ayi Esòwò agene esé aja dóó, ne gejeé eyigé ji abóó ne esé gepwò amu. ⁵ Ye gébégé esé débò dégboó gétúgé gabo se, Esòwò apye esé dékere né gerwá chóncho ne Kras. Ne elé gétúgé ulóó melu Esòwò ne ji áwené gemége nyú. ⁶ Ndere esé déchomé mmye ne Kras Jisòs, Esòwò apye esé dékwilé né negbo ne ji, ne abweé esé nnó dégbare gefwa ne ji né malu ujwòle Esòwò né

mfaánebuú. ⁷ Εσῶῶ ἀρυεμβῶ nnó né gejamégé aημε ayi achwῶῶ né mβε, ji apye bῶῶ ako akaá gekpekpege ulῶῶ melu ebi ujame dῶῶ, ebi ji alere né gejeé gétúgέ genó eyigέ Kras Jisῶs apye. ⁸ Gétúgέ ulῶῶ melu Εσῶῶ, ji afere enyú né efwyale gabo gébégέ défyéé metῶῶ ne Kras, épó fῶ né uto bi nyú ne ji afere enyú né efwyale gabo. Ελέ echye ewé Εσῶῶ achyegé. ⁹ Épó fῶ gétúgέ utῶῶ ulῶῶ ulῶ ebi enyú dépye. Ndere elúmbῶ, ékágé muú fῶ adogé ebwῶ ewome. ¹⁰ Néndé esé délu elé amu utῶῶ Εσῶῶ. Ji akwyéé esé ne apye décho mmye ne Kras Jisῶs nnó délerege galógálῶ mbaá bῶῶ ndere ji akwe me te gachií ábelé nnó dépyegé.

Esé ako delú muú ama ndere Εσῶῶ apye esé déchome mmye ne Kras

¹¹ Tege nnó mbembe bῶῶ Jus bῶῶ akuú gemege bwῶ nnó, “Bῶῶ abi ásῶῶ ebwῶ nsῶ,” abῶῶ ákuú enyú abi délá dépῶ bῶῶ Jus nnó, “Bῶῶ unyi gada.” Mmyeké genó ayi akwaá apyéé ne amu né menyammye. ¹² Tege ndere enyú debo delu. Né gébé eyigémbῶ enyú depῶ mbwa ama ne Kras, enyú debo délu lé aηκεé né geluagέ bῶῶ abi Εσῶῶ abῶ aηyaá nnó abe abii. Menomenyéé gejame ewé Εσῶῶ anyéé ne bῶῶ bií, menomenyéé ewémbῶ épófῶ ewé nyú. Apyembῶ, gétúgέ geno eyigέ ji abῶ anyémemo nnó apyéé, yémbῶ ji anyé fῶ meno ne enyú wῶ. Depῶ ye ntó ne genó gefῶ fa né mme eyigέ enyú dénererege metῶῶ wyéé. Ne débῶ depῶ fῶ mbwa ama ne Εσῶῶ. ¹³ Yémbῶ nana Εσῶῶ apye enyú déchome mmye ne Kras Jisῶs, ji aja enyú abi délu nya tete ne ji, délá kwókwólé ne jí gétúgέ manoó Kras amí machyéé mme gébégέ ji gboῶ né gekwa. ¹⁴ Kras jimboῶ ne apyéé esé délu né nesῶ ne ate, néndé ji apye bῶῶ Jus ne bῶῶ abi álá pῶ bῶῶ Jus ákwé eké muú ama. Ndere ji apyembῶ, Kras amu ekwῶ gepú ewé ebῶ ekare bῶῶ Jus ne abi álá pῶ fῶ bῶῶ Jus ne epye ebwῶ abῶῶ mawáme ne ate. ¹⁵ Kras agboge atyaá mabe bῶῶ

Jus ako ayi apye bós Jus afaá mbwa ne bós abi álá pó fós bós Jus. Ji apyembó nnó ji ase bós Jus ne abi álá pó bós Jus ácho ebwó alá muú meke, ácho ntó mmye ne ji nnó epyegé mbo ebwó abe nesó ne ate. ¹⁶ Ndere ji apyembó, aja bós Jus ne abi álá pó fós bós Jus nnó anyé nesó ne Εσωωwó ála ndere muú ama gétúgέ negbo eníné ji agboó né gekwa ne mawámé bwó ábyeé. ¹⁷ Ne Kras achwó, agaré abya melóméló ayi achwó ne nesó eta nyú bós abi debo delu tete ne Εσωωwó ne mbaá bós abi abó álú kwókwólé ne Εσωωwó. ¹⁸ Ne elé gétúgέ genó eyigé Kras apye ne esé ako dégene meti mantene né mbe ushu nte sé Εσωωwó dénenemmye né uto Mendoó Ukpea ewú ema.

¹⁹ Ndere elúmbó, enyú bós abi álá pó bós Jus dépo sé aηkéé bó, bós abi áchwó elé manjwólé né mbaá jwólege. Enyú délá ambó meló, dékwe gelua gema ne bós abi Εσωωwó ajyaá nnó abe abií. Ne dela ntó bós ula gepu Εσωωwó. ²⁰ Enyú délu egbe gepú eyigé Εσωωwó atenege. Abelé enyú né nebóme gepú eníné áηgbá Jisós ne bós ekpave Εσωωwó áfyéé. Kras Jisós jimboó ne alu ntaá eníne né gbarege ekwó gepú. ²¹ Kras ne agbare gepú eyina geko mbaá ama. Ne apye nnó gejamégé bós áchwó né mmu nnó geji géwéné gebe echa ukpea mbaá Ata. ²² Ndere Εσωωwó apye enyú déchome mmye ne Kras, apye ntó enyú détene chóncho ne ate aηme abifo ako déla eké melu ewé Εσωωwó ajwólege wye né Mendoó wuú.

3

Utó bi Pól apye mbaá bós abi álá pó bós Jus

¹ Ne gétúgέ Εσωωwó apye bós Jus ne abi álá pó bós Jus ála muú ama, ne me Pól muú nkpe ne denó elé ngarege abya Kras Jisós eta nyú bós abi álá pó bós Jus, nnenemmye gétúgέ nyú echomele bós Kras né Εφεσós. ² Mferé nnó enyú déwú me nnó gétúgέ uló melu ebi Εσωωwó elerege, ji

achyεέ me utó bina nno mpyege né galógaló nyú. ³ Ne Esōwō apye me nkaá genó eyi gebō gelu ji metó bibíi, wye ndere me mbō mbóō me mbe nsame geji gachyεέ eta nyú. ⁴ Ne mbōgé enyú dékúgé genó eyigé me nsame eta nyú, dékágé nye ndere epye ne nkaá depōré Kras etiré délu nya bibíi. ⁵ Mbe mbe akwaá ábó ákaá fō depō etiré na wō, yémbō nana Mendoó Esōwō epye ángbá Jisōs ne bóō ekpávε Esōwō, bóō ukpea bíi ákaá deti. ⁶ Genó eyigé Esōwō ábelé bibíi gelú nnó ji áke ne abya melóméló ápye bóō abi álá pó bóō Jus ácho mmye ne bóō Jus ála ndere upó né menyammye ama ne nnó εbwó ako ábó mejeé Esōwō ne genó eyigé Esōwō anyémemo nnó achyεge nye bóō bíi. Kras Jisōs ne apye nnó menomenye ewémbō ebe wáwálé.

⁷ Esōwō ajya me né uló melu bíi nnó mbe muú utó wuú, ngarege abya melóméló Kras né gekpekpegé uto bíi. ⁸ Né geluage bóō Esōwō ako, me ne nlú mamané kō. Yémbō Esōwō achyεέ me gechachage echyε ewéna nnó ngarege abya melóméló mbaá bóō abi álá pó bóō Jus. Ne abya melóméló yimbō atome ne uchacha unó bi muú álá kagé méé ebi Kras achyεge. ⁹ Utó ba ntó úlú nnó me mpye bóō ako akaá genó eyigé Esōwō muú akwyεé unó uko ashuú mampye né genó eyigé ábelé bibíi te ula uló mme. ¹⁰ Esōwō abō apyembō nnó gébé sé eyigé na gekwōnege, echomele bóō Jisōs epye yéndé gefwage álo nchye eyigé gelu mfaá, ne uto aló nchye uko ukaa nnó Esōwō awyaá denḡa dōó né yéndé meti. ¹¹ Ji áke ne Ata se Kras Jisōs apye mechō ewéna epye wye ndere ji Esōwō abō ajóō me nnó εbe. ¹² Ndere Esōwō apye esé déchome mmye ne Kras, ne ndere défyεé metóō ne ji, esé dékágé tene né mbe ushu Esōwō tágétágé débεé fō ne εfō metóō. ¹³ Ndere élúmbō, nnene enyú mmye nnó débεge fō ne gepwa metóō élé me ngene εfwyale gétúgé nyú. Me ngene εfwyale ewéna né galógaló nyú.

Πολ ανενemmye gétúgέ echomele bós Kras né Efesós

¹⁴ Gétúge Eswō apye unó ulóúló bina, ne me ntome mano mme nnemmye mbaá nte sé Eswō, ¹⁵ muú afyéé mabō mbaá mala upú mako né mfaánebuú ne mme. ¹⁶ Nnenemmye mbaá Eswō muú awyaá gekpekpe mejeé né mfaánebuú nnó ji apye Mendoó wuú echyéé enyú eshye nnó mató nyú ábéné, ¹⁷ ne nnó Kras ájwolé né mmu mató nyú ndere défyéé metó ne ji. Nnenemmye nnó gejeé eyigé enyú débó ne Eswō ne ate ayme gepye enyú détene ne eshye. ¹⁸ Nnene ntó mmye nnó Eswō apye enyú chóncho ne bós Eswō abifō ako débō uto mankaá nnó gejeé eyigé Kras Jisós abós ne enyú ako, gepwós yéndégenó eyigé muú akágé mée, ¹⁹ ne nnó enyú dékaá nnó gejeé Kras eyigémbō geja kraá gepwō amu, muú akágé kaá fō geji anere. Ndere unó bi uko úlú mbō, débéé ne gepogé Eswō geko.

²⁰ Déféé Eswō muú apógé esé ne uto bíí ebi úlú esé mmye. Ji akágé pye gejamégé ukpekpe unó bi upwós ebi esé dégigé ji, yé ebi déferege. ²¹ Esé ako abi délú echomele bós Jisós, abi déchome mmye ne Kras Jisós yéndémuú anógé Eswō yéndégébé te kwyakwya ne kwyakwya Amen.

4

Βός echomele Kras álú muú ama

¹ Me muú nkpepe denō gétúgέ mpye utó Ata, nkpeage enyú nnó dépye gerwáge nyú gébe ndere Eswō muú akuú enyú akelege nnó gébe. ² Shulege mmye nyú mme yéndégébé, sege deporé nyú pere, koge metó mbaá yéndégenó. Boge gejeé ne ate, dépyegé mbō, dépye fō unó bi ubalege ate mmye. ³ Myege nnó débē meko ama ndere Mendoó Ukpea epye nnó enyú décho mmye ne ate débē né nesō. ⁴ Esé bós echomele Jisós délú wye ndere upō

menyammye ama. Ne elé wye Mendoó Ukpea ewú ema ne elú esé ako né mmye, wye ndere genó gelú lé gema eyigé Esɔwɔ akuú esé nnó dénerewe matɔ́ wye. ⁵ Esé ako déwyaá wye Ata awu ama, ne wye lé depɔré Jisɔs dé tí dema ne esé ako dékwɔlege. Awyaá esé ako gefɔge manaá Esɔwɔ mami mamaá. ⁶ Esɔwɔ esé awú dénógé alú elé ama, ji ne alú Nte esé esé ako. Ji ne alú mfwa esé ako, ji achyewe esé utɔ́ ebi débɔ́ mampye ndere ji akelege. Ne mendoó wuú ejwɔlege né mmu matɔ́ bɔ́ bíí ako.

⁷ Yémbɔ Kras achyéé yéndémuú sé ewuú echyewe ndere ji ame nnó ekwane ne yéndémuú. ⁸ Elú wye ndere asame né mmu ηwe Esɔwɔ nnó, “Gébégé Kras akwɔme ajyéé né melu ewé mfaá, aja gejamégé bɔ́ denɔ ákwɔle ji, ne achyéé akwaá ufó ufó echyewe.” ⁹ Ása wye aké, “Akwɔ afe né mfaá”, ewéna etene nnó gemewe nnó Kras akwɔ né mfaá abɔ me mbe ashulé achwɔ́ fa mme. * ¹⁰ Wye lé ji awú muú ashulé achwɔ́ fa mme ne akwɔme ajyéé né malu ayi álú te mfaá mfaá. Ji apyembɔ nnó ji apye yéndegenó né yéndé mbaá gébe gelɔgélɔ́ ndere ji akelege nnó gebe. ¹¹ Ji achyéé bɔ́ abifo echyewe nnó ábé áηgbá Kras. Achyewe abifo echyewe nnó ábé abɔ́ ekpave Esɔwɔ, achyewe abifo nnó ágáregé abya melómélɔ́, abifo, achyewe ebwɔ́ nnó ábé ambame ne anlere mekomejɔ́ Esɔwɔ. ¹² Kras apyembɔ nnó ji akpome bɔ́ Esɔwɔ ako mmye nnó ápyewe utɔ́ bíí ne nnó ji apye echomele bɔ́ bíí ewé elú menyammye wuú ewéne, ¹³ kpaá te esé débéé ndere muú ama né matɔ́ sé ayi défyéé ne Maá Esɔwɔ ne dékágé ji chánéné. Debɔ́ mambe bɔ́ abi ábené né depɔré Esɔwɔ, kpaá te débéé ndere Kras jimɔ́ né gepɔ́ jí geko, ¹⁴ nnó esé débewe sé eké ambane abi anlere gebyɔ́ ásele mati défyá ne gebyɔ́ ábwɔlege amu ne ebwɔ́. Ambáné álú eké baá makpe ayi

* 4:9 Elú wáwálé nnó: Gejamégé bɔ́ ηwe áwyaá nnó Jisɔs ashulé afe né melɔ́ álo.

mmbyo nnyi atene ájyεέ we na ne we. Yéndé mbaá ayi mbyó ajyεέ ne aji ajye ntó, mbo ne epye ne bóó abi ánleré gebyo álerégé. Anlere gebyo awyaá défyá mabwólége bóó akame ne genó eyi gelú gebyo. ¹⁵ Déjógé lé genó eyi gelú wáwálé, ne déboge gejeé ne bóó abi déjógge ne ebwó. Déké dépyembó, débenege nyε né deporé Esówó, né yéndé meti wyε eké Kras muú alú muú kpaá né echomele bóó bíí. ¹⁶ Kras ne afyεέ yéndé gepoge menyammye né melu ewuú, yéndé gefere ne gepyεé nnó menyammye meko áchómé mbaá ama. Ndere elúmbó yéndé gepoge menyammye geké gepyε utóó bíí charjéné, menyammye meko awene abenege gétúgé upó bina upogé atε né gejeé.

Jisós Kras achyεge gerwá gekε

¹⁷ Me nkwelege enyú mbeé né uto Ata nnó ékágé débε eké bóó mme abi álá pó bóó Jus. Ufere bwó upó ne mekpo ne ula. ¹⁸ Uferé bwó úlú kendeé. Ebwó apó fó ne gerwá eyigé Esówó achyεge, néndé ebwó ákágé yé genó ne arjea matóó. ¹⁹ Yé ebwó ápye genó eyigé gela gelómé fó, mmye egboó fó ebwó. Áchyεé gemεge bwó né unó bi ugbó mmye ne ápwyaá fó mampyε úkwékwé unó.

²⁰ Unó Kras ebi alere enyú dégií na fó wó. ²¹ Nferé nnó enyú déwú genó eyigé getome ne Jisós, ne áleré enyú ankwóle bíí, né mekomejóó ayi wáwálé. Mekomejóó yimbo elé abya melómeló ayi atome ne Jisós. ²² Lyagé gekwenege gepó eyigé gepyε enyú debo dépyε uboubó unó. Gekwenege gepó eyigé enyú debo déwyaá gechóó lé enyú chóó ndere gébwólé enyú mambe ne metóó mampyε uboubó unó. ²³ Kworege matóó nyú ne gefóó eyigé enyú déferege unó gebe genó gekε. ²⁴ Enyú debo mambe ne gepó gekε ndere bóó abi Esówó akwyεé nnó afu ji. Gepó gekε eyigé na, gelú lé gepó eyi gelú cho, ne pópó né mbe ushu Esówó.

²⁵ Ndere elúmbɔ, lyage gebyɔ dégarage lé wáwálé mbaá ate aημε, néndé esé ako décho mmye delú ndere upɔ né menyammye Kras. ²⁶ Metɔ́ usɔ́ eté ji apye gabo. Ne ékágé alá ne metɔ́ usɔ́ né bií kpogele. ²⁷ Ne ékágé déchye danchɔmeló meti ewé ji aηmaá amu wye. ²⁸ Mbɔgé muú abɔ ajoó ejo, abɔ manlyaá ejo apyeye utɔ́ ne amu jii jimbɔ́ nnó abɔ unó bi ji ákágé kare ne bɔ́ abí alá pɔ́ ne ubi. ²⁹ Muú nyú ajógé fɔ́ mejɔ́ mebomebo, ajógé lé mekomejɔ́ melóméló ayi apógé ate, ne akwánege né gébé eyigémbɔ, nnó mejɔ́ nyú ebe mejɔ́ ewé efyéé bɔ́ eshye ne echwɔ́ ne galógálɔ́ mbaá bɔ́ abí awuú enyú. ³⁰ Ékágé enyú dépye Mendoó Ukpea ebe meshwemeshwe né unó bi enyú dépye. Esɔ́wɔ afye enyú Mendoó Ukpea wuú né mmye nnó ebe ndere gelo eyi gelerege nnó enyú delú bɔ́ bií, ne nnó bií uma ji awenege nye gemége nyú. ³¹ Ndere elúmbɔ, débégé fɔ́ ne ufere uboubɔ ne ate: Debálégé fɔ́ matɔ́, desɔ́ge fɔ́ matɔ́ ne ate, debege fɔ́ ne genyane ne ate, déchɔgé fɔ́ ate mabɔ, dépyégé fɔ́ nchye, déferegé fɔ́ gabo ne ate né yéndé meti. ³² Lerege elé ulɔ́ melu ne ate, gege ate meshwe, jigé nte gabo ayi ate aημε apye ndere Esɔ́wɔ ajinte gabo ayi enyú dépye gétúgé genó eyigé Kras apyéé.

5

Βεγέ bɔ́ geηgbɔ́

¹ Te mbaá Esɔ́wɔ abɔ́ gejeé ne enyú baá bií, mmyegé nnó débe ndere ji. ² Gɔ́gé geηwáge nyú gelere nnó déwyaá gejeé ne ate wye ndere Kras abɔ́ gejeé ne esé kpaá te áchyéé geηwá jii né galógálɔ́ sé. Nkane ji ápyembɔ, élú wye ndere gepé eyi genóme gebé gelógéló né mbe ushu Esɔ́wɔ.

³ Ndere elúmbɔ, dékamegé muú fɔ́ awú yé né geluage nyú eηmeηmené ubele tametame yé gekwekwégé gepɔ, yé ame mamfyé né genó eyigé muú. Ne demmyege fɔ́ nnó

enyú ne debe ne unó uko, néndé gefogé gerwá eyigémba gekwané fó mambe ne bós Esowa wó. ⁴ Dekamege fó mejóó ewé echwóó ne mekpo unóó ne gekekenegé mejóó ne gekwekwegé abya andée utanege enyú né meno néndé ekwane wó. Genó eyigé enyú debóó mampye élé mantamege Esowa né unó bi ji apye né geluage nyú. ⁵ Kágé nnó muú ayi abelege ubele tametame, ayi awyaá gekwékwegé gepo, ye ayi afye amé né unó bós (alú mba lé muú ayi ánógé unó bina eké esowa ayifo). Ji anyé fó gefwa eyigé Kras ne Esowa agbarége.

⁶ Dékamege muú fó abwólé enyú ne mejóó ewé ela épó ne mekpo ne ula. Elé gétúgé unó bina ne Esowa asóó nye metóó ne bós abi álá wuú fó ji. ⁷ Ndere elúmba, déchogé fó mmye ne ufóó bós bimbo, ⁸ néndé mbembe enyú débó délu né mmu gemua, nana enyú délu né mmu gengba gétúgé Esowa apye enyú déchome mmye ne Kras. Ndere elúmba, gogé gerwágé nyú gebe ndere bós abi álú né gengba. ⁹ Elé gengba eyigé na, ne gepye nnó esé dépyegé unó ulóuló, ne ebi ulú cho ne nnó dégarege wáwálé. ¹⁰ Myegé mankaá genó eyigé dépyege metóó egóó Ata. ¹¹ Déchoge fó amu depyege ubobo unó bi bós abi álú né mmu gemua ápyeé, dyáge lé ebwó malá. ¹² Elu lé mekpo unóó manjóó depo etiré ebwó apye bibíí. ¹³ Gengba gegenegé né genó, bós ágene ndere geji gelu ne ákágé ndere geji gelu wáwálé. ¹⁴ Mba ne elú néndé yéndégenó eyi gengba gegenege wye, gébwólege gela gengba. Ge ula bi ajóó aké, “Peé wó ayi obelege gejya, kwilé né negbo, ne Kras apye nye gengba jíí gegenege eta wye.”

¹⁵ Ndere elúmba, segé gébé nnó dépyege genó eyigé gelu cho. Dépyege fó unó eké uñkekene bós, pyege ndere bós abi áwyaá defóó. ¹⁶ Dégege meti mampye genó gelógló, pyegé geji chánéné neéndé bós apye gabo né gébé eyigé na dóó. ¹⁷ Ékágé debe eké uñkekene bós, mmyegé élé mmye

nnó dékaá genó eyigé Ata akelege nnó enyú dépyege.

¹⁸ Dényúgé fō mmōó dékwene néndé mmōó matene muú né geḡwá gebogebo. Gōgé elé Mendoó Ukpea egbeé enyú né matōó. ¹⁹ Mendoó Ukpea egbege enyú né metōó, epye enyú dékwane makwa ayi átánege né bō ḡwe Eṣōwō, défyege ate matōó ne makwa ayi atome ne Kras ne ayi Mendoó Ukpea alerege. Kwagé makwa yina ne matōó nyú mako défēge Ata. ²⁰ Né yéndégenó eyi gepye, tamege nte sé Eṣōwō yéndégébé gétúgé genó eyigé Ata Jisṣ Kras apye eta eṣé.

*P*ol achyēge majye mbaá andeé ne anō

²¹ Yéndémuú nyú awúgé ne nte nnó dénógé Kras.

²² Enyú andeé anō, wúgé ne anō nyú wye ndere déwú ne Ata. ²³ Menō alu muú kpaá mbaá mendée wyéé ndere Kras alú muú kpaá mbaá echomele bōó bíí ewé elú menyammye wuú. Ne Kras jimboó alu Mempoó echomele wuú. ²⁴ Ndere echomele bōó Kras ewuú ne ji, mbōntó ne enyú andeé anō débōó manwúgé ne anō nyú né yéndé meti.

²⁵ Enyú anō, bōgé gejeé ne andeé nyú wye ndere Kras abōó gejeé ne echomele wuú kpaá te achyéé gemε jíí né galógaló wuú. ²⁶ Ji apyembo nnó ji afyéé ewú né amu Eṣōwō ndere genógé ukpea gébége ji ashwōnége ewú ne manaá ne mekomejōó wuú. ²⁷ Apyembo ntó nnó echomele bōó bíí etene né mbe ushuú wuú jimbo ne geḡwá gekε eyi gelōme gepwōó amu ne nnó ebēge fō ne deba yé gebágé dekoó né mmye, ebe lé echomele ukpea ewé muú alá kágé shulé ebwōó ndo né meti fō. ²⁸ Anō abō mambōge gejeé ne andeé bwōó wye ndere ebwōó abōó ne menyammye bwōó ambōó, néndé mende ayi abōó gejeé ne mendée wuú ebyennó abō gejeé ne menyammye awú ntó. ²⁹ Yé muú sé fō ayi apaá menyammye wuú apó. Déchyēge menyammye sé menyéé, décherege ji, wye ndere Kras apye ne echomele bōó bíí. ³⁰ Ji

apyembɔ yéndégébé néndé esé delu upɔ né menyammye wuú. ³¹ Ge ula bi ásámé né mmu ηwe εσωω nnó, “Getú eyigémbɔ mende abɔ manlyaá gepúgέ nte wuú ne mma wuú acho mmye ne mendée wuú εβωó apea ála muú ama.” ³² Mekomejɔó εσωω ayina apye esé dékaá menɔ genó ayi abɔ alu bíbí. Genó eyigémbɔ getome ne Kras ne echomele bɔó bíí. ³³ Yémbɔ enyú abi débane neba dékágé pyege ntó geji. Genó eyigémbɔ gelu nnó yéndé menɔ abɔ mambɔ gejeé ne mendée wuú wye ndere ji abɔó gejeé ne geme jíí. Ne yéndé mendée menɔ abɔ manógé menɔ wuú.

6

Na ne baá ne ante ne ama ábɔó mambe

¹ Enyú baá melo wúgέ ne amma nyú ne ante nyú, gétúgέ déchome mmye ne Ata, néndé ge genó eyi gélú cho mampye mbɔ. ² “Nógé amma nyú ne ante nyú.” Ge ndɔ mbe ayi εσωω anyéméno gébégέ achyéé εbe aké, ³ “Dépyege mbɔ, dégέne nye galógálo ne dényé neki fa mme.”

⁴ Enyú ante ékágé débε ne gepɔ eyi gepye mató asó baá nyú. Wyege lé εβωó né meti ewé délerege εβωó unó ndere abɔó mampye, déchyege εβωó majyéé ndere Ata akelege.

Na ne áfwe ne ante abi abɔó εβωó áβεé

⁵ Enyú áfwe, wúgέ ne bɔó abi abɔó enyú ne εfo metó, déchyege εβωó énogé ne mató nyu mako wye ndere εbɔ εbe lé Kras, enyú dépye ne jíí. ⁶ Pyege utó enyú chajéné. Dépyege fɔ wye lé gébégέ εβωó abege aké agene enyú gétúgέ dékelege nnó εβωó áfεge enyú. Ndere baá utó Kras, pyegé elé genó eyigé εσωω akelege ne mató nyú mako. ⁷ Pyegé utó ne metó megɔmegɔ wye eké enyú dépye mbaá Ata, épó fɔ elé mbaá mekwaá. ⁸ Kaágé nnó

yé muú alú mefwε ye áρó, elé Ata ne achyεge εsé ako nsa né utó ulóuló ebi εsé dépyεé.

⁹ Enyú ante wyεmbó ntó ne débóó mampyεge ne áfwε nyú. Déchyεge sé εbwó genyane. Kaáge nnó Ata ayi abóó enyú chóncho ne εbwó alú né mfaánebuú. Ne ji asóó mpa yéndemuú alεrege fó aηgya.

Pól ajógé ndere bóó kras abóó matene ummye ne danchomeló

¹⁰ Kwyakwya genó eyigé, me nkelege mangare enyú gelu nnó, bógé εshye ndere déchome mmye ne Ata. Ne gógé ji ase gekpekrege utó bíi apye enyú détoó. ¹¹ Fyεgé unó ummye uko ebi εsówó achyéé enyú nnó détene ummye ne mati défyá ayi danchomeló apenege. ¹² Néndé bee bina upó fó ne ate akwaá. Démmye lé ne yéndé gefwage aló nchye eyigé gelu né mfaá, ne uto aló nchye uko. Démmye ne áló nchye ako abi ágbarege gefwa né malu ayi mfaá, ne abi áwyaá utó fa né mme yina ayi alú melu gemua. ¹³ Ndere elúmbó, bógé unó ummye uko ebi εsówó achyéé enyú nnó yéndégébé danchomeló achwógé ne εfwyale démmye ékágé ji apwó enyú ne démmyεgé né kwyakwya détenege nye chanéné.

¹⁴ Ndere elúmbó, kpomege mmye. Ndere muú bee áwéle ekandá mamkpome mmye né utó bíi, mbó ne enyú débóó mangarege wáwálé. Pyεge genó eyi gelu chó né mbe ushu εsówó, εwéna εβεé nye ndere genóge ummye eyigé muú bee akwere εwóme wuú nnó ékágé nekó né kpe ne ta ji. ¹⁵ Ndere muú bee afye unó uka utouto nnó ékágé ji áseré ákwe gébégé aké alomege, mbóntó ne enyú débóó mangarege abya melóméló ayi apye bóó áβεé nesó ne εsówó. ¹⁶ Genó eyigé fó eyigé débóó mampye gelú nnó, gbarege metóó εwé enyú défyεé ne εsówó εbe enyú né mbe. Εwéna εbe nye eta nyú ndere genogé ummye eyi

gegbeé nnó ámbeé danchəmeló ako ayi achwáw éké mewe akwənege f́ enyú mmye. ¹⁷ Σεγέ mamfere ayi Εσωῶ áferé enyú né efwyale gabo ábé ndere ela ummye ewe ekwerege mekpó muú bee, nnó ékágé ji akpa gepa. Σεγε ntó mekomejῶ Εσωῶ ndere aparanja ayi Mendoó Ukpəa echye enyú nnó démmyege ummye ne ji. ¹⁸ Gígé Εσωῶ nnó apóge enyú yéndégébé né mmyemenene. Nεgemmye né yéndégenó eyigé enyú dékelege. Pyege mbə ndere Mendoó Ukpəa elerege enyú meti yéndégébé. Ndere elúmbə, begé peé né yéndégenó eyigé gepye, dékogé metῶ gbene. Nege ntó mmye yéndégébé mbaá bῶ Εσωῶ ako. ¹⁹ Nege ntó mmye getú ya, nnó yéndégébé nké nkelege mangare abya melóméló, Εσωῶ achye me mekomejῶ nnó ngare, mmbegé f́ ne efῶ metῶ mampye bῶ akaá depῶré abya melóméló etiré debə delu bibíí. ²⁰ Εlé gétúgé abya melóméló yina ne Kras atəme me, ne nana nlú né denə gétúgé mbə ngarege abya melóméló wuú. Nεgemmye nnó Ata apó me mbegé ne efῶ metῶ mangare abya melóméló yina ndere me mbῶ manjῶ.

Kwyakwya matame

²¹ Μεημε sé Tikikῶs ayi mbῶ gejeé ne ji dῶ, ne nte muú ayi dékágé líí mmye ne ji ndere apye utῶ Ata achwῶgé, agarege nye enyú yéndégenó eyi getome ne me, ne enyú dékágé nye ndere depῶ dekene ne me wéna. ²² Εlé wye getú eyigé na ne me ntəme ji eta nyú nnó ji apye enyú dékaá ndere esé délu wéna, ne nnó afye enyú eshye.

²³ Nenemmye nnó Nte sé Εσωῶ ne Ata Jisῶs Kras apye enyú aηme sé debe nesə ne ate, débῶ gejeé ne ate, ne nnó défyege wye metῶ ne Εσωῶ. ²⁴ Mma nnenemmye nnó Εσωῶ alerege galógáló mbaá bῶ ako abi abῶ gejeé eyi gela gebyeé ne Ata Jisῶs Kras te kwyakwya.

Ἡμε menomenyέέ meké
New Testament in Denya (CM:anv:Denya)

copyright © 2010 Wycliffe Bible Translators, Inc.

Language: Denya

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Denya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
